



Broj: 13-03/1-04-2435-3/23  
Sarajevo, 02.03.2023. godine

## **SKUPŠTINA KANTONA SARAJEVO**

Služba za skupštinske poslove

- O v d j e -

### **KANTON SARAJEVO**

**Stručna služba Vlade**

- O v d j e -

Zastupnica Vedrana Vujović je na 3. Radnoj sjednici Skupštine Kantona Sarajevo, održanoj dana, 27.01.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila slijedeće zastupničko pitanje:

**“Da li u i kom obimu radi ministarstvo na tome da građanima Kantona Sarajevo, a posebno korisnicima prava i usluga Ministarstva i institucija/ustanova pod njegovom ingerencijom, poboljša pristupačnost.**

**Pristupačnost se u ovom smislu najprije odnosi na fizički pristup institucijama i ustanovama u kojima, prevashodno osobe sa invaliditetom, ostvaruju prava propisane zakonom, a sami ulazi u zgrade institucija koje su nepristupačne.**

**Dalje u smislu pristupačnosti informacijama o načinima ostvarivanja prava i obaveza, da li je u planu efikasnija komunikacija s građanima kao i poboljšanje uslova rada i kapaciteta u javnim ustanovama.”**

### **ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnice Vedrane Vujović, a koje je sa pažnjom razmotreno u okviru ovoga ministarstva i na koje dajemo slijedeći odgovor:

Po pitanju arhitektonske pristupačnosti u ustanovama koje su u nadležnosti Ministarstva za rad, socijalnu politiku, raseljena lica i izbjeglice Kantona Sarajevo ovim Vas putem informišemo da su arhitektonski pristupačne slijedeće ustanove:

- Kantonalna javna ustanova “Odgojni centar Kantona Sarajevo”,
- Kantonalna javna ustanova Dom za djecu bez roditeljskog staranja,



- Kantonalna javna ustanova “Dom za socijalno zdravstveno zbrinjavanje osoba sa invaliditetom i drugih osoba” i
- Kantonalna javna ustanova “Porodično savjetovalište”.

Javna ustanova Terapijska zajednica - Kampus Kantona Sarajevo nije arhitektonski pristupačna, dok su djelimično pristupačne slijedeće ustanove:

- Kantonalna javna ustanova “Gerontološki centar” u kojoj glavni ulaz nije arhitektonski pristupačan za osobe sa invaliditetom i za pristup osoba sa kolicima i krevetima se koristi stražnji ulaz ove ustanove,
- Javna ustanova “Kantonalni centar za socijalni rad” od ukupno 8 općinskih službi socijalne zaštite, 6 je arhitektonski pristupačno, dok 2 općinske službe socijalne zaštite (Stari Grad i Novo Sarajevo) nisu arhitektonski pristupačne osobama s invaliditetom, te
- Javna ustanova “Služba za zapošljavanje Kantona Sarajevo” Sarajevo u kojoj u zgradi Direkcije ove ustanove postoji električna pristupna rampa (kosi lift). Što se tiče općinskih biroa, isti nisu arhitektonski pristupačni u općinama Stari Grad, Hadžići i Ilijaš.

Nadalje, smatramo značajnim istaći činjenicu da je Ministarstvo za rad, socijalnu politiku, raseljena lica i izbjeglice 02.07.2019. godine raspisalo poziv javnim ustanovama i institucijama Kantona Sarajevo za izražavanje interesa za apliciranje u projektu koji provodi UNDP i Ministarstvo za rad, socijalnu politiku, raseljena lica i izbjeglice Kantona Sarajevo za uklanjanje arhitektonskih barijera za nepokretne i teško pokretne osobe, čiji je cilj izgradnja prilazne i druge infrastrukture kojim će se osigurati nesmetano kretanje i pristup osobama s invaliditetom, nepokretnim i teško pokretnim osobama.

Navedenim projektom je planirano da se u 40 javnih ustanova i institucija u Kantonu Sarajevo, izvrše određena prilagođavanja, s ciljem da postanu pristupačne za osobe s invaliditetom, postavljanjem pristupnih rampi i rukohvata, ugradnjom liftova za nepokretne osobe, uklanjanje ili prilagođavanje izdignutih pragova, prilagođavanje vrata i prolaza osobama s invaliditetom, prilagođavanje toaleta osobama s invaliditetom, te uklanjanje drugih vrsta arhitektonskih barijera koje ovim osobama onemogućavaju samostalno i jednostavno kretanje i korištenje.

Ministarstvo za rad, socijalnu politiku, raseljena lica i izbjeglice Kantona Sarajevo projekat realizuje sa UNDP i Koordinacionim odborom udruženja osoba s invaliditetom u Kantonu Sarajevo.

Na osnovu dostavljenih podataka o trenutnom statusu projekta uklanjanja arhitektonskih barijera za nepokretne i teško pokretne osobe Kantona Sarajevo, a prema podacima dostavljenim od strane UNDP, zaključno sa 31.01.2023. godine realizovane su slijedeće aktivnosti:

- završeni su radovi na 23 objekta,
- radovi su u toku na 4 objekta,
- završena je revizija projektne dokumentacije za 6 objekata,
- izađeni su glavni projekti za 2 objekta,
- u procesu izdavanja su odobrenja za građenje za 4 objekta i
- u procesu izdavanja urbanističke saglasnosti je 1 objekat.

Što se tiče ustanova koje su u nadležnosti Ministarstva za rad, socijalnu politiku, raseljena lica i izbjeglice Kantona Sarajevo, u okviru ovog projekta poduzete su mjere na otklanjanju arhitektonskih barijera za osobe s invaliditetom u tri ustanove, i to:



- KJU Dom za djecu bez roditeljskog staranja Bjelave - ugrađene su dvije kose platforme za savladavanje vanjskog stepeništva na ulazu u objekat i unutrašnjeg stepeništa, prilagođen je toalet osobama s poteškoćama u kretanju i izgrađena je kosa pristupna rampa za nesmetan pristup donjem objektu,
- Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba - ugrađen je novi lift, prilagođeno je nekoliko kupatila i mokrih čvorova unutar objekta, izrađena je kosa pristupna rampa ispred jednog kupatila, kako bi se omogućio nesmetan pristup osobama s poteškoćama u kretanju,
- Javna ustanova "Služba za zapošljavanje Kantona Sarajevo Direkcija Sarajevo - ugrađena je kosa platforma na unutrašnjem stepeništvu, prilagođen je jedan pult u šalter sali, napravljena je kosa pristupna rampa za komunikaciju sa drugim krilom objekta.

Aktivnosti na uklanjanju arhitektonskih barijera u Javnoj ustanovi "Kantonalni centar za socijalni rad", nadležnim službama socijalne zaštite su u toku u slijedećim službama: Služba socijalne zaštite općine Novo Sarajevo - u toku je postupak izdavanja odobrenja za građenje i Služba socijalne zaštite općine Stari Grad – objekat koji Služba koristi je pod zaštitom, projektna dokumentacija je morala biti izrađena od firme koja ima ovlaštenje za izradu projekata sanacije objekta pod zaštitom, a trenutno je u toku obavezna revizija projektne dokumentacije. Po završenom procesu revizije, projektna dokumentacija će biti predata korisniku, kako bi mogao pokrenuti proceduru izdavanja odobrenja za građenje.

S poštovanjem,

Pripremila: Jasmina Helać, stručni savjetnik  
Kontrolisala: Smaragda Lučkin, šef Odjelja

Sekretar Ministarstva, Amira Gackić

Dostavljeno:

1. Naslovu,
2. a/a.

